



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

Qui magnarum vrbium id temporis fuerint episcopi. Cap. XXXVI.

urn:nbn:de:hbz:466:1-12718

EVAGR. HISTORIAE

carbonibus cādētib⁹ cōsistentem, illæsum ab ignis incendio. Qui cum rogaretur, quo pacto illæsus mansevit, mulier, inquit, veste amicta purpurea, crebrò ad me venit, porrexit aquam, qua carbonum flamas corpus ambientes extinguerem: cibum denique dedit, quoties esuriebam. Quare ad Iustinianum perlata, puerum cum matre lauacro regenerationis tingendos decernit: patrem autem pueri, qui recusauit in numerum Christianorum ascribi, in Sycis cruci suffigendum curauit. Atque ista quidem hoc modo.

Qui magnarum urbium id temporis fuerint episcopi. Cap. XXXVI.

POst Menam, Eutychius ad sedem episcopatus Constantinopolitani ascendit: sedem autem Hierosolymorū obtinet post martyriū Salustius. Cui successit Helias, Hunc Petrus, Petrum autem Macarius secutus est, imperatore nondū ei suffragante. Qui postea sede sua pulsus fuit. Nā ferebatur eum dogmata Origenis tutatum. Cui in eo episcopatu successit Eustochius. Theodosio porrò, vt supra demōstratum est, exturbato, zoilus, episcopus declaratus fuit Alexandriae. Quo mortuo, Apolinarius sedem illam capessit.

De sancto vniuersali q̄ concilio quinto, & quā ob rem institutum fuerit. Cap. XXXVII.

POst Euphræmiū, sedes Antiochena Domino cōcreta fuit. Iam verò cum Vigilius antiquæ Romæ, & Menas nouæ primum, deinde Eutychius, Alexandriæ aut Apolinarius, & Domininus Antiochiæ episcopatū gesit, Iustinianus quintum concilium conuocauit, tali causa adductus. Eustochius, vbi illi, qui dogmata Origenistue bantur, cum in alijs locis, tum maxime in noua laura (sic enim vocabatur) inualescerent, omnem curam ac studium suum eō contulit, vt eos expelleret. Qui ad nouam profectus lauram, omnes inde eiecit, & tanquam communem perniciem omnium longè fugauit. Illi in varia loca dispersi, multos in suam pellexerunt opinionem. Quorum patrocinium suscepit Theodorus cognomine Assidas, episcopus Cæsareæ, urbis gentis Cappadocum primariæ,